



Resolución Reitoral de 12 de maio de 2015 pola que se convocan 108 bolsas de mobilidade para estudantes de doutoramento da Universidade de Vigo en programas adaptados ao EEES para o ano 2015

Coa finalidade de contribuír a paliar os gastos de desprazamento asociados aos estudos de doutoramento que ten o estudiantado dos Programas de Doutoramento adaptados ao EEES da Universidade de Vigo, e en virtude das facultades outorgadas pola Lei Orgánica 6/2001, de 21 de decembro, modificada pola Lei 4/2007, de 12 de abril de Universidades e o artigo 58 do Decreto 7/2010, de 14 de xaneiro, polo que se aproban os Estatutos desta Universidade,

ESTA REITORÍA RESOLVE:

1. Anunciar a convocatoria de 108 bolsas desprazamento para estudantes de doutoramento da Universidade de Vigo.
2. Ordenar a publicación da devandita convocatoria nos taboleiros de anuncios na Escola Internacional de Doutoramento e no Rexistro Xeral e Auxiliares da Universidade de Vigo.
3. As bolsas solicitaranse no modelo oficial dende o día 13 de maio de 2015 ata as 14:00 horas do 1 de xuño de 2015, presentando a solicitude e demais documentación requirida, nos rexistros xeral e auxiliares da Universidade de Vigo ou por calquera outro medio previsto no artigo 38.4 da Lei 30/1992, do 26 de novembro, do réxime xurídico das Administracións Públicas e do procedemento administrativo común. A solicitude axustarase ao modelo que figura como Anexo II desta convocatoria e tamén poderá atoparse no seguinte enderezo: <http://www.uvigo.es> no apartado Axudas/Outras bolsas.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da Xurisdición Contencioso-Administrativa.

Así e todo, os/as interesados/as poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo antes citado namentres non recaia resolución expresa ou presunta do recurso de reposición, de acordo co disposto na Lei 4/99, do 13 de xaneiro modificadora da Lei 30/1992, do 26 de novembro, de Réxime Xurídico das Administracións e do Procedemento Administrativo Común.

Vigo, 12 de maio de 2015

O REITOR

Por delegación R.R. do 7 de maio de 2014 (DOG 13/05/14)
A Vicerreitora de Organización Académica e Profesorado



Ana María Graña Rodríguez

Dilixencia para facer constar que esta resolución se publica no taboleiro de anuncios dos rexistros da Universidade de Vigo.

Vigo, 12 de maio de 2015
Xefe de Área de bolsas

Francisco Navaza Dafonte

BASES QUE REGULAN A CONVOCATORIA DE BOLSAS DE MOBILIDADE PARA ESTUDANTES DE DOUTORAMENTO DA UNIVERSIDADE DE VIGO PARA O ANO 2015.

Esta normativa regula as bolsas de desprazamento para estudantes de doutoramento da Universidade de Vigo para o ano 2015. Esta normativa xunto coa convocatoria correspondente publicarase na Escola Internacional de Doutoramento, no Rexistro Xeral e auxiliares da Universidade de Vigo.

I. OBXECTO

Estas bolsas teñen por **obxecto** contribuír a paliar os gastos de desprazamento asociados aos estudos de doutoramento que teñen os estudantes dos Programas de Doutoramento adaptados ao EEES (regulados polo RD 99/2011 do 28 de xaneiro ou RD 1393/2007 do 29 de outubro) que se citan no Anexo I.

II. PERSOAS DESTINATARIAS

Poderán participar nesta convocatoria os/as estudantes dos Programas de Doutoramento da Universidade de Vigo, citados no Anexo I, que cumpran os seguintes requisitos:

- Estar matriculados/as na Universidade de Vigo no período de tutela de tese no curso 2014/15 nalgún dos programas mencionados no Anexo I. A matrícula deberá manterse durante o período total da duración da axuda.
- Realizar a actividade, que de acordo coa súa programación académica, implique o desprazamento a outras universidades participantes no programa de doutoramento, a outros centros de investigación ou asistencia a congresos ou cursos.
- Contar co informe favorable do/s/as director/es/as da tese para a realización da actividade obxecto da bolsa.
- Non poderá optar a unha bolsa desta convocatoria, o alumnado que en convocatorias anteriores, lle fose revogada esta bolsa, e non reintegrara á Universidade de Vigo as cantidades percibidas indebidamente.

III. INCOMPATIBILIDADES

Cada solicitante só poderá optar a unha das axudas ofertadas dentro do seu programa de doutoramento. As bolsas serán incompatibles con calquera outra bolsa ou axuda concedidas por calquera institución pública ou privada para a mesma estadía ou asistencia. Nembargantes, cando a axuda concedida non sufrague a totalidade dos gastos de desprazamento, poderanse completar os custos de viaxe con cargo a proxectos de investigación, no caso de que as normas reguladores destes permitan a súa compatibilidade, e sempre que o importe total das axudas non supere os custos reais.

IV. DURACIÓN

A actividade pola que se solicita a axuda, terá que ser desenvolvida e xustificada antes do 31 de decembro de 2015.

V. DOTACIÓN E PAGAMENTO

Os fondos destinados a esta acción irán a cargo da aplicación orzamentaria 2015 00PG 131H48210 e o importe do crédito orzamentaria retido para esta convocatoria ascende a 45.500,00€.

A dotación económica bruta de cada bolsa estará suxeita a retención do IRPF que estableza a normativa vixente nesta materia. Para dar cabida ás diferentes actividades formativas que poden existir nos programas de doutoramento que implican mobilidade, establécense os seguintes tipos de axudas coa súa contía:

Tipo A:	1000 euros
Tipo B:	750 euros
Tipo C:	500 euros
Tipo D:	250 euros

Unha vez publicada a resolución de concesión farase efectiva o 50% da axuda. O 50% restante farase efectivo unha vez que a persoa beneficiaria remita á EIDO, o anexo V, de xustificación de gastos de mobilidade dentro do mes seguinte ao seu retorno e coa documentación seguinte:

- Certificado de asistencia ao curso/congreso ou certificado da estadía.
- Declaración dos gastos ocasionados coa documentación xustificativa orixinal, segundo o formulario do anexo V.
- Se parte dos gastos do desprazamento foron imputados a un proxecto de investigación é necesaria declaración das cantidades subvencionadas xunto con copia da documentación xustificativa.

O non cumprimento deste requisito comportará a automática rescisión da axuda, para os efectos do reintegro da subvención concedida.

A cantidade a ingresar, estará limitada pola cantidade xustificada, se esta é inferior ao importe concedido, tal como establece o artigo 19.3 da lei 38/2003, de 17 de novembro, xeral de subvencións.

VI. SOLICITUDE E DOCUMENTACIÓN

O impreso de solicitude atoparano na páxina: <http://www.uvigo.es> no apartado Axudas Outras bolsas e que figura como Anexo II nesta convocatoria. O prazo de presentación de solicitudes remata ás 14:00 horas do 1 de xuño de 2015. As persoas aspirantes deberán presentar o modelo (Anexo II) nos rexistros auxiliares ou xeral da Universidade de Vigo ou nos lugares indicados no apartado 4 do artigo 38 da Lei 30/92, do 26 de novembro de Réxime xurídico das administracións públicas e do procedemento administrativo común, dirixidas ao Director da Escola Internacional de Doutoramento da Universidade de Vigo e remitidas á Sección de Bolsas.

Os/as solicitantes, deberán indicar a referencia da bolsa solicitada polo número identificativo que consta no Anexo I e acompañar xunto coa solicitude a seguinte documentación:

- Fotocopia do DNI, NIE ou Pasaporte do solicitante.
- No seu caso, copia doutras solicitudes de bolsa para a mesma estadía ou asistencia que se tivesen presentado tanto en institucións, entidades ou fundacións públicas e privadas.
- Currículum Vitae.
- Descrición da estadía para a que se solicita esta bolsa: Desprazamento a realizar, lugar de destino, institución ou congreso/curso, duración do desprazamento, proposta da actividade a realizar en destino (no caso de cursos e congresos indicar o tipo de

participación e achegar copia da comunicación que se vai presentar no seu caso), e presuposto. Esta proposta deberá contar co informe favorable do director da tese para a realización da actividade obxecto da bolsa.

- Compromiso de matrícula no curso 2015/2016, se a actividade a subvencionar se estendese máis alá do curso 2014/2015.

Tamén se lle poderán requirir ás persoas solicitantes que achegen aqueles outros documentos que fosen necesarios para aclarar os datos necesarios para o outorgamento das axudas.

Os datos persoais recollidos na solicitude teñen carácter obrigatorio e serán tratados pola Universidade de Vigo para a organización da docencia e o estudo, así como para o exercicio das demais funcións propias do Servizo Público de Educación Superior, reguladas na Lei Orgánica de Universidades e nos Estatutos da Universidade de Vigo.

O/A solicitante está de acordo en que os seus datos persoais sexan recollidos, tratados, e de ser o caso, cedidos para os seguintes fins: xestión administrativa e académica do seu expediente, oferta e presentación de servizos universitarios, realización de estatísticas, proxectos de investigación, avaliacións, enquisas e seguimento dos servizos universitarios prestados, así como a realización de accións destinadas ao fomento do emprego e prácticas en empresas. O responsable do tratamento destes datos é a Universidade de Vigo. Os dereitos de acceso, rectificación, cancelación e oposición ao seu tratamento exercitarase ante a Universidade de Vigo.

VII. SELECCIÓN

A Sección de Bolsas, unha vez recibidas as solicitudes, comprobará que cumpren os requisitos básicos da convocatoria, e publicará unha listaxe de admitidos/as e excluídos/as, indicando os motivos de exclusión e dándolles un prazo de 5 días hábiles para emendar os erros e achegar a documentación necesaria, a partir do día seguinte da publicación da listaxe na web <http://www.uvigo.es> no apartado Axudas Outras bolsas e nos rexistros xeral e auxiliares da Universidade de Vigo.

Dita documentación presentarase nos rexistros xeral ou auxiliares da Universidade de Vigo ou nos lugares indicados no apartado 4 do artigo 38 da Lei 30/92, do 26 de novembro de Réxime xurídico das administracións públicas e do procedemento administrativo común, dirixidas ao Director da Escola Internacional de Doutoramento da Universidade de Vigo e remitidas á Sección de Bolsas.

Unha vez emendados os erros, a Sección de Bolsas, achegará as solicitudes así coma a documentación, a través do correo electrónico ás Comisións Académicas de Doutoramento, e ao EIDO.

A Comisión Académica do Doutoramento de cada programa procederá á valoración e priorización das solicitudes presentadas segundo os criterios de valoración específicos que constan no Anexo I. Estes criterios de valoración inclúen, como mínimo, os seguintes apartados:

- a. Méritos curriculares dos/as solicitantes
- b. Interese do desprazamento proposto para o programa formativo
- c. Calidade do centro de destino ou importancia do congreso/curso

As bolsas asignaranse a aqueles candidatos e candidatas que obteñan as maiores puntuacións.

As Comisións Académicas remitirán á Sección de Bolsas, as listaxes de valoración dos candidatos/as por tipo de bolsas, e as solicitudes denegadas, indicando as causas de denegación, coa puntuación obtida en cada caso.

A partir destas valoracións, en función do orzamento de cada programa, a EIDO establecerá a resolución provisional de adxudicación das bolsas e mailas listas de agarda, así como as solicitudes denegadas indicando os motivos da denegación.

Contra a resolución provisional, poderán os interesados, presentar alegacións no prazo de 5 días hábiles, contados a partir do día seguinte da publicación. Dita documentación presentarse nos rexistros xeral ou auxiliares da Universidade de Vigo ou nos lugares indicados no apartado 4 do artigo 38 da Lei 30/92, do 26 de novembro de Réxime xurídico das administracións públicas e do procedemento administrativo común, dirixidas ao Director da Escola Internacional de Doutoramento da Universidade de Vigo e remitidas á Sección de Bolsas.

Unha vez revisadas as alegacións, a Sección de Bolsas, elaborará a resolución definitiva, que será refrendada pola EIDO.

A Resolución Reitoral de adxudicación de bolsas, publicarase na web e nos rexistro xeral e auxiliares da Universidade de Vigo. Esta Resolución Reitoral conterá as solicitudes concedidas, as denegadas coa causa de denegación e as listaxes de agarda ordenadas de maior a menor puntuación. As listas de agarda, unha por programa de doutoramento, serán empregadas para cubrir posibles renuncias ás bolsas adxudicadas en cada programa ata 30/11/2015.

En caso de que quedara finalmente vacante algún tipo de bolsas nun programa de doutoramento, poderá incrementarse o número de bolsas doutro tipo entre os solicitantes que estivesen en lista de agarda, dentro do mesmo programa, ata esgotar o seu crédito.

Unha vez esgotada a lista de agarda, se así e todo, quedara crédito dispoñible nun programa, poderán incrementarse todas as axudas concedidas dentro deste programa na mesma proporción ata esgotar o crédito do programa. Non obstante, este incremento non poderá ser maior dun 50% nin producir unha axuda que supere o custo total previsto para o desprazamento da persoa beneficiaria.

Finalizado o prazo de renuncias do 30/11/2015, o crédito total dispoñible nese momento será distribuído entre todas as persoas que aínda estiveran en lista de agarda sen acadar axuda ou que non acadaran a totalidade da axuda solicitada. O criterio de reparto será nunha mesma proporción da parte da axuda solicitada e non concedida, sen que poida concederse nesta fase, en ningún caso, unha cantidade total superior á axuda solicitada.

Contra esta resolución, que esgota a vía administrativa os/as interesados/as poderán interpoñer, no prazo de dous meses, recurso contencioso-administrativo, sen prexuízo do recurso potestativo de reposición no prazo dun mes.

VIII. OBRIGAS

As persoas beneficiarias das bolsas están obrigadas a:

- A) Ter pagada na súa totalidade a taxa de matrícula que lle corresponda e manter a dita matrícula no programa de doutoramento da Universidade de Vigo durante todo o período de duración da actividade obxecto da bolsa para poder manter a súa condición de bolseiro/a.
- B) Destinar a axuda á finalidade para a que foi concedida, xustificando a asistencia ou estadia mediante o correspondente certificado, así como a declaración dos gastos ocasionados coa documentación xustificativa.

- C) Indicar no impreso de solicitude (Anexo II) se teñen algunha axuda, subvención para mesma finalidade. No caso de que esta situación se produza con posterioridade á solicitude da bolsa, as persoas beneficiarias deberán comunicalo á Universidade de Vigo mediante escrito dirixido á Sección de Bolsas.

IX. RENUNCIA

A renuncia voluntaria á bolsa deberá facerse por escrito e comunicada ao Director da EIDO. A renuncia sen causa xustificada penalizará e impedirlle o acceso a outra bolsa do mesmo obxecto durante un período de 12 meses. Correspóndelle ao Director da EIDO a avaliación das causas alegadas.

X. REVOGACIÓN DAS AXUDAS

A concesión destas bolsas pode ser revogada polos seguintes motivos e suporá o reintegro, por parte dos beneficiarios, das cantidades indebidamente aboadas:

- Incumprimento das obrigas especificadas nesta convocatoria.
- Ocultación de datos, a súa alteración ou calquera manipulación da información solicitada.
- Incorrer nalgunha das causas de incompatibilidade establecidas nesta convocatoria.
- Non manter a condición de estar matriculado/a na Universidade de Vigo no programa de doutoramento polo que se lle concedeu a axuda durante todo o período de duración da actividade obxecto da bolsa.

XI. DISPOSICIÓNS ADICIONAIS

As dúbidas que poidan xurdir na interpretación destas normas serán resoltas pola Dirección da Escola Internacional de Doutoramento.

Calquera reclamación ou queixa que queira presentar un/ha bolseiro/a farase ante o Director da Escola Internacional de Doutoramento .

Os/as bolseiros/as non adquiren ningunha relación contractual administrativa ou estatutaria coa Universidade de Vigo, nin a bolsa implica compromiso en canto á posterior incorporación dos interesados/as aos cadros de persoal da Universidade.

ANEXO I

- Programas de doutoramento:
ANÁLISE ECONÓMICA E ESTRATEXIA EMPRESARIAL (V03D036V06) (RD 99/2011)
ECONOMÍA E EMPRESA (V03D014V06) (RD 99/2011)
ECONOMÍA (V03D044V01) (RD 1393/2007)

Crédito asignado: 3.000 euros

Bolsas convocadas: 5

Nº Id.	Tipo	Perfil	Nº de bolsas
01	B	Asistencia a congresos internacionais	2
02	B	Asistencia/Matrícula cursos formativos	1
03	C	Asistencia/Matrícula cursos formativos/congresos	1
04	D	Asistencia/Matrícula cursos formativos/congresos	1
Criterios de Valoración - Curriculum vitae: 30 puntos - Interese do desprazamento para o programa formativo do estudante: 40 puntos - Calidade do centro de destino o importancia do congreso/curso/actividade: 30 puntos			

- Programas de doutoramento:
CIENCIA E TECNOLOXÍA DE COLOIDES E INTERFACES (RD 99/2011)
CIENCIA E TECNOLOXÍA DE COLOIDES E INTERFACES (RD1393/2007)
Crédito asignado: 3.000 euros
Bolsas convocadas: 5

Nº Id.	Tipo	Perfil	Nº de bolsas
05	A	Estadía de investigación	1
06	C	Asistencia a congreso	4
Criterios de Valoración - Méritos curriculares dos/as solicitantes (70%) - Interese do desprazamento proposto para o programa formativo (20%) - Calidade do centro de destino ou importancia do congreso/curso (10%)			

- Programa de doutoramento:
CIENCIA E TECNOLOXÍA QUÍMICA (RD 99/2011)
Crédito asignado: 2.250 euros
Bolsas convocadas: 6

Nº Id.	Tipo	Perfil	Nº de bolsas
07	A	Estadía investigación (requirirase unha descrición detallada da actividade que se vai desenvolver durante a mesma)	1
08	D	Asistencia a cursos ou congresos	5

Criterios de Valoración

Como primeiro criterio, en cada tipo de bolsa, terán preferencia os/as estudantes que non gozasen anteriormente dunha bolsa de mobilidade das mesmas características (financiada polo programa). Como segundo criterio para a priorización das solicitudes aplicarase o baremo numérico seguinte:

Bolsas tipo A:

- Méritos curriculares dos/as solicitantes (25 puntos)
- Interese do desprazamento proposto para o programa formativo (50 puntos)
- Calidade do centro de destino ou importancia do congreso/curso, etc. (25 puntos)

Bolsas tipo D:

- Méritos curriculares dos/as solicitantes (50 puntos)
- Interese do desprazamento proposto para o programa formativo (25 puntos)
- Calidade do centro de destino ou importancia do congreso/curso, etc. (25 puntos)

Será requisito imprescindible para a obtención dunha bolsa neste programa, obter unha valoración positiva (superior a 0) en cada un dos sub-criterios de valoración especificados anteriormente (méritos curriculares, interese do desprazamento, calidade do centro de destino ou importancia do congreso/curso).

- Programa de doutoramento:
COMUNICACIÓN (RD 99/2011)
Crédito asignado: 2.000 euros
Bolsas convocadas: 4

Nº Id.	Tipo	Perfil	Nº de bolsas
09	C	Estadía en centro de investigación ou asistencia a congreso no que se presente comunicación	4

Criterios de Valoración

- Méritos curriculares do/da solicitante: ata 40 puntos.
 - Expediente académico grao/licenciatura: ata 16 puntos.
 - Expediente académico máster: ata 8 puntos.
 - Experiencia profesional relacionada cos ámbitos propios do programa: ata 8 puntos.
 - Autoría ou coparticipación en traballos de investigación (publicacións, presentación de comunicacións, etc.) relacionados cos ámbitos propios do programa: ata 8 puntos.
- Interese do desprazamento proposto para o programa formativo: ata 10 puntos.
- Calidade do Centro de Investigación de Destino ou relevancia do Congreso: ata 10 puntos.
- Non ter recibido ningunha bolsa deste tipo en convocatorias anteriores: 40 puntos.

- Programa de doutoramento:
CIENCIAS DA EDUCACIÓN E DO COMPORTAMENTO (RD 99/2011).
Crédito asignado: 3.000 euros
Bolsas convocadas: 6

Nº Id.	Tipo	Perfil	Nº de bolsas
10	A	Estadías (1000 €/bolsa)	2
11	D	Asistencia a actividades formativas (250 €/bolsa)	4

Criterios de Valoración

Méritos curriculares dos/as solicitantes:

Expediente da licenciatura ou grao de acceso	30
Publicacións e participación en congresos	25
Bolsa de Investigación	10
Experiencia Docente en Graos e Mestrados	5
Outros méritos de investigación	5
Interese do desprazamento proposto para o programa formativo	10
Calidade do centro de destino ou importancia do congreso/curso	15

- Programas de doutoramento:
CREACIÓN E INVESTIGACIÓN EN ARTE CONTEMPORÁNEA (RD 99/2011)
ARTE CONTEMPORÁNEA, CREACIÓN E INVESTIGACIÓN (RD 1393/2007)
Crédito asignado: 1.500 euros
Bolsas convocadas: 6

Nº Id.	Tipo	Perfil	Nº de bolsas
12	D	Asistencia a cursos, talleres de arte o estadías en centros de investigación, congresos o reunións científicas e/ou artísticas. (250€)	6

Criterios de Valoración

Méritos curriculares dos/as solicitantes: 30%
Interese do desprazamento proposto para o programa formativo: 25%
Calidade do centro de destino ou importancia do congreso/curso: 25%
Orzamento do custe da estadía, viaxe, matrícula, etc: 20%

- Programas de doutoramento:
ECOSISTEMAS TERRESTRES, USOS SOSTIBLES E IMPLICACIÓNS AMBIENTAIS (RD 99/2011) e (RD 1393/2007)
Crédito asignado: 3.000 euros
Bolsas convocadas: 12

Nº Id.	Tipo	Perfil	Nº de bolsas
13	D	Asistencia a curso, seminario, workshop	12

Criterios de Valoración

Méritos contidos no curriculum vitae do participante: 60%
Interese do desprazamento para o programa formativo: 20%
Importancia do congreso, seminario, curso, workshop: 20%

- Programa de doutoramento:
EDUCACIÓN, DEPORTE E SAÚDE.
Crédito asignado: 1.000 euros
Bolsas convocadas: 1

Nº Id.	Tipo	Perfil	Nº de bolsas
14	A	Estadía de investigación	1
Criterios de Valoración Méritos curriculares dos/as solicitantes (ata 40 puntos) Interese do desprazamento proposto para o programa formativo (ata 30 puntos) Calidade do centro de destino ou importancia do congreso/curso (ata 30 puntos)			

- Programa de doutoramento:
EFICIENCIA ENERXÉTICA E SUSTENTABILIDADE EN ENXEÑARÍA E ARQUITECTURA (RD 99/2011)
ENXEÑARÍA TÉRMICA (RD 1393/2007)
Crédito asignado: 1.000 euros
Bolsas convocadas: 1

Nº Id.	Tipo	Perfil	Nº de bolsas
15	A	Estadía de investigación	1
Criterios de Valoración Méritos curriculares dos/as solicitantes: 50% Interese do desprazamento proposto para o programa formativo: 25% Calidade do centro de destino ou importancia do congreso/curso: 25%			

- Programa de doutoramento:
EQUIDADE E INNOVACIÓN EN EDUCACIÓN (RD 99/2011)
Crédito asignado: 1.500 euros
Bolsas convocadas: 3

Nº Id.	Tipo	Perfil	Nº de bolsas
16	A	Estadía de investigación internacional	1
17	D	Asistencia a Congreso	2
Criterios de Valoración a. Méritos curriculares: 2,5 puntos. b. Interese do desprazamento proposto para o programa formativo da persoa solicitante, en relación coa temática da súa tese e o programa de doutoramento: 4 puntos c. Calidade do centro de destino ou importancia do congreso, curso, etc.: 3,5 puntos.			

- **Programas de doutoramento:**
ESTADÍSTICA E INVESTIGACIÓN OPERATIVA (RD99/2011)
ESTADÍSTICA E INVESTIGACIÓN OPERATIVA (RD1393/2007)
Crédito asignado: 1.750 euros
Bolsas convocadas: 2 tipoC, 3 tipo D

Nº Id.	Tipo	Perfil	Nº de bolsas
18	D	Asistencia a congresos, seminarios ou cursos	3
19	C	Estadías de investigación	2
Criterios de Valoración Méritos curriculares dos/as solicitantes: 60% Interese do desprazamento proposto para o programa formativo: 20% Calidade do centro de destino ou importancia do congreso/curso: 20%			

- **Programa de doutoramento:**
ESTUDOS LINGÜÍSTICOS (RD 99/2011)
Crédito asignado: 3.000 euros
Bolsas convocadas: 8

Nº Id.	Tipo	Perfil	Nº de bolsas
20	B	Estadía de investigación cunha duración mínima dun mes	1
21	C	Participación en congresos fóra de España e Portugal	2
22	D	Participación en congresos en España ou Portugal	4
23	D	Mobilidade precisa para traballo de campo previsto no plan de investigación	1
Criterios de Valoración A) Méritos curriculares dos solicitantes ata 30 puntos (inclúe a valoración inicial no proceso de admisión [ata 15 puntos] máis os méritos relacionados co desenvolvemento dos estudos de doutoramento e da propia tese) B) Interese do desprazamento proposto para o programa formativo ata 25 puntos Nas solicitudes para asistencia a congresos só podería acadarse a puntuación máxima no caso de presentación dunha comunicación ou relatorio, o que deberá acreditarse mediante a documentación correspondente. Para congresos aínda non celebrados na data de peche da convocatoria, será suficiente a carta de aceptación da comunicación ou relatorio. A mera asistencia ou a non acreditación de aceptación ou presentación permitirá unha puntuación máxima de 10 puntos. C) Calidade do centro de destino ou importancia do congreso/curso ata 15 puntos D) Outros aspectos: ata 30 puntos Non ter recibido ningunha axuda en convocatorias anteriores de mobilidade da EIDO por unha cantidade igual ou superior á solicitada			

- Programa de doutoramento:
ESTUDOS LITERARIOS (RD 99/2011)
Crédito asignado: 3.500 euros
Bolsas convocadas: 10

Nº Id.	Tipo	Perfil	Nº de bolsas
24	B	Estadías de investigación	2
25	D	Asistencia a congreso con comunicación	8

Criterios de Valoración

-Expediente académico dos/as solicitantes: ata 20 puntos.
 -Interese do desprazamento proposto para o programa formativo: ata 20 puntos.
 -Calidade do centro de destino ou importancia do congreso, sempre que sexa para presentar unha comunicación: ata 20 puntos.
 - No caso de haber máis candidaturas que bolsas, terá prioridade quen non teña outro apoio económico (contrato laboral, contrato de investigación, etc.): 40 puntos. Este criterio terá que ser xustificado, coa solicitude da bolsa, por medio da presentación de un certificado da vida laboral e dunha declaración xurada na que se faga constar que o candidato/a non está a percibir ningún tipo de ingreso.

- Programa de doutoramento:
LÁSER, FOTÓNICA E VISIÓN (RD 99/2011)
Crédito asignado: 750 euros
Bolsas convocadas: 3

Nº Id.	Tipo	Perfil	Nº de bolsas
26	D	Asistencia a congreso/curso de carácter nacional	3

Criterios de Valoración

-Méritos curriculares dos/as solicitantes (30%)
 -Interese do desprazamento proposto para o programa formativo (30%)
 -Calidade do centro de destino ou importancia do congreso/curso (40%)

- Programa de doutoramento:
NANOMEDICINA (RD 99/2011)
Crédito asignado: 1000 euros
Bolsas convocadas: 2

Nº Id.	Tipo	Perfil	Nº de bolsas
27	C	Asistencia a curso ou workshop	2

Criterios de Valoración

-Méritos curriculares dos/as solicitantes (70%)
 -Interese do desprazamento proposto para o programa formativo (20%)
 -Calidade do centro de destino ou importancia do congreso/curso (10%)

- Programa de doutoramento:
ORDENACIÓN XURÍDICA DO MERCADO (RD 99/2011)
ORDENACIÓN XURÍDICA DO MERCADO (RD 1393/2007)
Crédito asignado: 1.000 euros
Bolsas convocadas: 4

Nº Id	Tipo	Perfil	Nº de bolsas
28	D	Estadías de investigación, asistencia a congresos, asistencia a cursos, etc. relacionadas coa tese de doutoramento do doutorando/a que a solicite	4
Criterios de Valoración 1.-Méritos curriculares dos/as solicitantes (40p) 2.-Interese do desprazamento proposto para o programa formativo (20p) 3.-Calidade do centro de destino ou importancia do congreso/curso (20p) 4.-Non ter gozado no curso anterior dunha axuda vinculada ao Programa de doutoramento (20p).			

- Programa de doutoramento:
SISTEMAS SOFTWARE INTELIXENTES E ADAPTÁBEIS (RD 99/2011)
SISTEMAS SOFTWARE INTELIXENTES E ADAPTÁBEIS (RD 1393/2011)
Crédito asignado: 2.500 euros
Bolsas convocadas: 10 de tipo D

Nº Id.	Tipo	Perfil	Nº de bolsas
29	D	Presentación de resultados de investigación relacionados co plan de formación do programa de doutoramento en reunións científicas (Estudantes do programa regulado polo RD 99/2011)	8
30	D	Presentación de resultados de investigación relacionados co proxecto de tese en reunións científicas (Estudantes do programa regulado polo RD 1393/2011)	2
Criterios de Valoración - Méritos curriculares dos/as solicitantes (40%) - Interese do desprazamento proposto para o programa formativo segundo tipo e peso da actividade segundo memoria (30%) - Calidade do centro de destino ou importancia do congreso/curso/reunión/seminario/workshop (30%)			

- Programa de doutoramento:
TECNOLOXÍA DA INFORMACIÓN E COMUNICACIÓNS (TIC) (RD 99/2011)
Crédito asignado: 9.000 euros
Bolsas convocadas: 12

Nº Id.	Tipo	Perfil	Nº de bolsas
31	B	Indistinto: estadía de investigación, asistencia a curso ou escola de verán, asistencia a congreso para a presentación dunha comunicación	12

Criterios de Valoración

- Méritos curriculares dos/as solicitantes (10p)
- Interese do desprazamento proposto para o programa formativo (40p)
- Calidade do centro de destino ou importancia do congreso/curso. Os congresos deberán ser internacionais e estar recollidos no Scopus. No caso de estadias de investigación, darase prioridade a que o centro de destino estea no estranxeiro e supoña un cambio de país de residencia do/da estudante (50p)

- Programa de doutoramento:
TRADUCIÓN E PARATRADUCIÓN (RD 99/2011)
Crédito asignado: 1.750 euros
Bolsas convocadas: 5

Nº Id.	Tipo	Perfil	Nº de bolsas
32	C	Presentación de relatorio en congreso fóra da Península Ibérica	2
33	D	Presentación de relatorio en congreso dentro da Península Ibérica	3

Criterios de Valoración

- Currículum e méritos académicos: ata 80 puntos
- Interese do desprazamento proposto para o programa formativo: ata 10 puntos
- Calidade do centro de destino ou importancia do congreso: ata 10 puntos

ANEXO II

Solicitud de bolsa de movilidad de Doutoramento

Ano 2015

Programa de Doutoramento _____

DATOS PERSOAIS (encher en letra maiúscula)

(*) NOTA: este enderezo servirá para todas as comunicacións

Nome:.....Apelidos:.....DNI:.....

Enderezo(*):

C.Postal:.....Poboación:.....Provincia:.....País:.....

Teléfono:.....Enderezo electrónico

AXUDA SOLICITADA (número de identificación):

DATOS BANCARIOS

				ENTIDADE				OFICINA				D.C.		Nº DE CONTA (dez díxitos)									
E	S																						
(cumprimentar todos os díxitos do IBAN)																							
NOME DO BANCO:																							
ENDEREZO DO BANCO:																							
SINATURA E SELO DO BANCO:																							

¿É vostede solicitante ☐ ou beneficiario/a ☐ doutra bolsa ou axuda?

En caso afirmativo, indicar cales:

DECLARACIÓN XURADA

O abaixo asinante, manifesta que todos os datos da solicitude e documentos achegados para a bolsa de mobilidade de Doutoramento son verdadeiros e entende que coñece todos os termos da convocatoria onde se expresa que a ocultación ou falsidade de documentos leva consigo a perda de todo dereito para presentarse a esta convocatoria.

_____, ____ de _____ de 2015

Sinatura da persoa solicitante

DIRECTOR DA EIDO-UVIGO

ANEXO III

ACORDO DA COMISIÓN ACADÉMICA

A Comisión Académica do Programa de Doutoramento

_____, reunida con data _____, tendo en conta a Resolución Reitoral de 12 de maio de 2015 pola que se convocan bolsas de desprazamento para estudantes de doutoramento da Universidade de Vigo durante o ano 2015, revisadas e avaliadas as solicitudes presentadas polo alumnado, **ACORDA** propor a seguinte listaxe de valoración dos solicitantes:

- Lista priorizada de candidatos/as:

Apelidos e Nome.	DNI	Puntuación	Duración (semanas)	Tipo
------------------	-----	------------	--------------------	------

- | Listaxe de denegados/as | Causas de denegación |
|-------------------------|----------------------|
|-------------------------|----------------------|

DIRECTOR DA EIDO-UVIGO

Vigo _____ de _____ de 2015

ANEXO IV

ACORDO DA ESCOLA INTERNACIONAL DE DOUTORAMENTO

Reunida a Comisión permanente da EIDO, tendo en conta a Resolución Reitoral de de de 2015 pola que se convocan bolsas de desprazamento para estudantes de doutoramento da Universidade de Vigo durante o ano 2015, revisadas e avaliadas as propostas das Comisións Académicas, **ACORDA** propor as seguintes listaxes provisionais/definitivas de beneficiarios/as:

PROGRAMA DE DOUTORAMENTO:

Crédito asignado:

- Lista priorizada de candidatos/as:

Apelidos e Nome.	DNI	Puntuación	Duración (semanas)	Tipo	Custo
------------------	-----	------------	--------------------	------	-------

- Listaxe de agarda

Apelidos e Nome.	DNI	Puntuación	Duración (semanas)	Tipo	Custo
------------------	-----	------------	--------------------	------	-------

- | |
|----------------------------------|
| • <u>Listaxe de denegados/as</u> |
|----------------------------------|

<u>Causas de denegación</u>

Vigo _____ de _____ de 2015

SECCIÓN DE BOLSAS

ANEXO V

Xustificación da Bolsa de mobilidade de Doutoramento

Ano 2015

DATOS PERSOAIS *(encher en letra maiúscula)*

Nome:.....Apelidos:.....DNI:.....

Descrición da mobilidade realizada:

DOCUMENTACIÓN ACREDITATIVA DE TER FEITA A MOBILIDADE:

Certificado de asistencia ao curso/congreso ou certificado de estadia

☐

Gastos de inscrición no congreso, reunión, conferencia

☐

Gastos de desprazamento (billetes de avión, autobús, taxi, tren.....)

☐

Gastos de aloxamento (hotel, residencia, pensión....)

☐

Gastos de manutención

☐

Outros gastos

☐

*(A acreditación dos gastos debe de vir acompañada das facturas ou tickets **orixinais**)*

Percibiu vostede axuda ou compensación económica dalgún outro organismo (proxecto de investigación, departamento, ...) para os gastos xerados por esta mobilidade. En caso afirmativo, indicar cales, e contías percibidas por estes conceptos.

DECLARACIÓN XURADA

O abaixo asinante, manifesta que todos os datos da solicitude e documentos achegados para a bolsa de mobilidade de Doutoramento son verdadeiros e entende que coñece todos os termos da convocatoria onde se expresa que a ocultación ou falsidade de documentos leva consigo a perda de todo dereito para presentarse a esta convocatoria.

_____, ____ de _____ de 2015

Sinatura da persoa solicitante